



Broj: JN06-16-4-6-5/25  
Datum: 12.03.2025. godine

Na osnovu člana 64. stav (1) tačka (b), člana 70. st. (1), (3) i (6) i člana 88. Zakona o javnim nabavkama BiH („Službeni list BiH“, broj 39/14) i Zakona o izmjenama i dopunama zakona o javnim nabavkama BiH („Službeni list BiH“, broj 59/22 i 50/24), a na preporuku Komisije za javne nabavke br. JN06-16-4-6-12/25 od 10.03.2024. godine, u konkurentnom zahtjevu javna nabavka usluga periodični pregled protivpožarnih aparata i ispitivanje hidrantske mreže, upravnik Zavoda za izvršenje krivičnih sankcija, pritvora i drugih mjera BiH, donosi:

## **O D L U K U** **O IZBORU NAJPOVOLJNIJEG PONUDAČA**

### **Član 1.**

Prihvata se preporuka Komisije za javne nabavke, br. JN06-16-4-6-12/25 od 10.03.2025. godine o javnoj nabavci usluga periodični pregled protivpožarnih aparata i ispitivanje hidrantske mreže, dodjeljuje se izabranom ponuđaču UNIS INSTITUT ZA EKOLOGIJU, ZAŠTITU NA RADU I ZAŠTITU OD POŽARA d.o.o. Istočno Sarajevo, za ponuđenu cijenu od 29.920,00 KM bez PDV-a (35.006,40 KM sa PDV-om), kao najbolje ocijenjenom ponuđaču.

### **Član 2.**

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o rezultatu postupka javne nabavke.
- (2) Izabrani ponuđač je dužan na adresu Ugovornog organa dostaviti dokaze iz člana 45. Zakona o javnim nabavkama BiH, tačkama od a) do d) (u originalu ili ovjerenoj kopiji ne starijoj od 3 (tri) mjeseca od dana dostavljanja ponude), u roku od 7 (sedam) dana, nakon obavještenja o rezultatima ovog postupka javne nabavke od strane Ugovornog organa.
- (3) U slučaju da izabrani ponuđač propusti dostaviti dokaze u navedenom roku ili dostavi neprihvatljive dokaze, Odluka o izboru najpovoljnijeg ponuđača će se poništiti.

### **Član 3.**

Za izvršenje ove Odluke zadužuje se i ovlašćuje Služba za opšte, pravne i finansijsko-materijalne poslove.

#### **Član 4.**

Ova Odluka objavit će se na web stranici Ugovornog organa, istovremeno uputiće se i ponuđačima koji su učestvovali u postupku javne nabavke, su skladu sa članom 70. stav (6) Zakona o javnim nabavkama BiH.

#### **Član 5.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama BiH.

### **O B R A Z L O Ž E N J E**

Postupak javne nabavke pokrenut je Odlukom o pokretanju postupka javne nabavke br. JN06-16-4-6-2/25 od 17.02.2025. godine.

Javna nabavka je provedena putem Konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosi 30.000,00 KM.

Tenderska dokumentacija i Obavijest o nabavci br. 24650-7-2-16-3-50/25 su objavljeni 18.02.2025. godine na Portalu javnih nabavki BiH.

Komisija za javne nabavke imenovana je od strane Zavoda za izvršenje krivičnih sankcija, pritvora i drugih mjera BiH, Odlukom o imenovanju Komisije za javne nabavke br. 06-16-4-1372-1/25 od 10.02.2025. godine.

Komisija za javne nabavke je dana 10.03.2025. godine, dostavila Zapisnik o pregledu i ocjeni ponuda, br. JN06-16-4-6-11/25 i Preporuku o izboru najpovoljnijeg ponuđača, br. JN06-16-4-6-12/25 u predmetnom postupku.

U postupku po izvještaju o radu je utvrđeno, da je Komisija za javne nabavke blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće Zapisnike, u kojima je utvrđeno sljedeće:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponude,
- da ponuda ponuđača GRANULO RE d.o.o. Sarajevo se odbacuje kao neprihvatljiva iz razloga što ponuđač u svojoj ponudi nije dostavio dokaz da ima ovlaštenje nadležnog Ministarstva (Ministarstva unutrašnjih poslova Republike Srpske) ili drugog nadležnog organa za obavljanje poslova periodičnog pregleda protivpožarnih aparata i ispitivanja hidrantske mreže. Original ili ovjerena kopija ne starija od 3 (tri) mjeseca od momenta dostavljanja ponude, kako je zahtijevano tačkom 13.2.1. TD.

- da ponuda GLOBAL LOGISTIC d.o.o. Banja Luka se odbacuje kao neprihvatljiva na osnovu člana 2. stav (1) tačka 1) alineja 2) Zakona o javnim nabavkama BiH („Službeni glasnik BiH“ broj: 39/14 i 59/22), u kojem je navedeno: „Neprihvatljiva ponuda - čija cijena prelazi planirana, odnosno osigurana novčana sredstva ugovornog organa za nabavku...“. Procijenjena vrijednost nabavke iznosi 30.000,00 KM bez PDV-a, ponuđač dostavio ponudu sa ukupnom cijenom ponude od 34.794,00 KM bez PDV-a.
- da ponuda ponuđača Radis d.o.o. Istočno Sarajevo ispunjava sve uslove iz tenderske dokumentacije te je kao takva ocijenjena kao prihvatljiva.
- da ponuda ponuđača Unis institut za ekologiju, zaštitu na radu i zaštitu od požara d.o.o. Istočno Sarajevo ispunjava sve uslove iz tenderske dokumentacije te je kao takva ocijenjena kao prihvatljiva.

U skladu sa Pravilnikom o uslovima i načinu korištenja e-aukcije („Sl.list BiH“, broj: 66/16 i 80/23) dana 10.03.2025.godine s početkom u 11:00 sati zakazana je e-aukcija.

Nakon završene e-aukcije, Ugovorni organ je dobio „Izveštaj o toku i završetku e-aukcije“ . Uvidom u priloženi izvještaj, konstatovano je da je ponuđač Unis institut za ekologiju, zaštitu na radu i zaštitu od požara d.o.o. Istočno Sarajevo umanjio cijenu ponude za 0,13 %, dok ponuđač Radis d.o.o. Istočno Sarajevo nije podnio novu ponude.

Komisija je nakon uvida u priloženu dokumentaciju i ocjenu ponuda konstatovala da je ponuda ponuđača Unis institut za ekologiju, zaštitu na radu i zaštitu od požara d.o.o. Istočno Sarajevo najbolje ocijenjena jer je njegova ponuda u ukupnom iznosu od 29.920,00 KM bez PDV-a (35.006,40 KM sa PDV-om), a prema kriteriju za izbor- najniža cijena, rangirana na prvo mjesto i ispunjava sve uslove iz tenderske dokumentacije.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, shodno kriterijima iz Tenderske dokumentacije.

U postupku ocjene provedenog postupka, Upravnik Zavoda za izvršenje krivičnih sankcija, pritvora i drugih mjera BiH, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama BiH, odlučeno je kao u članu 1. ove Odluke.

#### **POUKA O PRAVNOM LIJEKU**

Protiv ove Odluke može se izjaviti žalba URŽ-u putem Ugovornom organu, najkasnije u roku od 5 (pet) dana od dana prijema ove Odluke, lično ili preporučenom poštom.

Način izjavljivanja žalbe i sadržaj žalbe su definisani članovima 99. i 105. Zakona o javnim nabavkama BiH („Službeni list BiH“, broj 39/14) i Zakona o izmjenama i dopunama zakona o javnim nabavkama („Službeni list BiH“, broj 59/22 i 50/24).



Dostaviti:

1. Ponudačima,
2. a/a.